

Quid? Quot equi guttis sex grandibus ora rigarunt,  
Qui vexere grauis pondera sandapila.  
Tristia campanæ reboârunt: tristia Musæ.  
Carmina luctisonis intonuere modis.  
Quidnî terrigenæ maētent lacrymisq; sonisq;  
Defuncti funus nobile flebilibus?  
Nempe bis unden Pastores, non sine luctu  
Buniadæ mæstas iuimus exuuias.  
Agmen grande virûm generis splendore cluentûm  
Et taceo matris virgineumq; gregem.  
Ipse ego, cui summum rapuit fera Parca Patronum,  
Mærorem nequeo dissimulare meum.  
Heu pietas qualem, virtusq; amisit Alumnum:  
Quæ claros decorant Nobilitate viros.  
Sed venas mihi versifices inclusit acerbj  
Funeris auditus: flebilis intuitus.  
Dignus erat vitæ stipendia plura merere,  
Heinricus generis gloria prima suj.  
Corporis at placide uinclis at mole leuatus,  
Prætulit hospitio, cælica regna solj.  
Fallor? an ex clauso uox insonat ista feretro?  
Quid, Coniunx, animum luctibus excrucias?  
Iam colophona juuet lacrymis imponere largis.  
Denatum lacrymis num reuocare potes?  
Est mihi nunc funus, quo mergor, amabile fœnus:  
Sunt mihi magna polo gaudia: parua solo.

O

Quid